

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲ-ԼՕ-2021/74, 07.09.2021թ.

Բողոք բերող անձ՝ «Մինասյաններ Շին» ՍՊԸ

Պատվիրատու՝ Մեղրաձորի համայնքապետարան

Գնման ընթացակարգի ծածկագիրը՝ «ԿՄՄՀ-ԳՀԱՇՁԲ-21/7» գնանշման հարցում

Գնման առարկան՝ Մեղրաձոր համայնքի գ. Մեղրաձոր 7-րդ և 11-րդ փողոցներում հեղեղատարի կառուցման աշխատանքների ձեռքբերում

Բողոքի պահանջը՝ պարտավորեցնել «ԿՄՄՀ-ԳՀԱՇՁԲ-21/7» ծածկագրով գնանշման հարցման ընթացակարգի գնահատող հանձնաժողովին դադարեցնել՝ 02.09.2021թ.-ի նիստի թիվ 3 արձանագրությամբ ընդունված՝ «Մինասյաններ Շին» ՍՊԸ-ի կողմից ներկայացված գնային առաջարկը մերժելու, ընթացակարգը չկայացած հայտարարելու մասին որոշումները և Կարգի 41-րդ կետով սահմանված կարգով «Մինասյաններ Շին» ՍՊԸ-ին ուղարկել շտկման մասին ծանուցում:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁԻՆ

Բողոք բերող՝ «Մինասյաններ Շին» ՍՊԸ
Հասցե՝ ՀՀ, Գեղարքունիքի մարզ, գյուղ Երանոս, 4 փող., տուն 26
հեռ: (+374) 98 35-70-41
Էլ. փոստ՝ gevorg_minasyan_1986@mail.ru

Պատվիրատու՝ Մեղրաձորի համայնքապետարան
Հասցե՝ ՀՀ, Կոտայքի մարզ Մեղրաձոր համայնք,
գ. Մեղրաձոր 7 փողոց 2 շենք

Գնման ընթացակարգի ծածկագիրը և առարկան՝
ՄԵՂՐԱՁՈՐԻ ՀԱՄԱՅՆՔԱՊԵՏԱՐԱՆԻ ԿԱՐԻՔՆԵՐԻ ՀԱՄԱՐ՝ ՄԵՂՐԱՁՈՐ ԳՅՈՒՂԻ 7-ՐԴ ԵՎ 11-ՐԴ
ՓՈՂՈՅՆԵՐԻ ՀԵՂԵՂԱՏԱՐՆԵՐԻ ԿԱՌՈՒՅՄԱՆ ԱԾԽԱՏԱՆՔՆԵՐԻ ՁԵՌՔԲԵՐՄԱՆ ՆՊԱՏԱԿՈՎ
ՀԱՅՏԱՐԱՐՎԱԾ ԿՄՄՀ-ԳՀԱՇՁԲ-21/7 ԾԱԾԿԱԳՐՈՎ ԳՆԱՆՇՄԱՆ ՀԱՐՑՈՒՄ

Բողոք

Գործի հակիրճ նկարագրությունը

Մեղրաձորի համայնքապետարանի կարիքների համար՝ հայտարարվել է «ԿՄՄՀ-ԳՀԱՇՁԲ-21/7» ծածկագրով գնանշման հարցման ընթացակարգ:

Ընթացակարգին մասնակցության հայտ է ներկայացրել նաև «Մինասյաններ Շին» ՍՊԸ-ն:

Ընթացակարգի 10.08.2021թ. տեղի ունեցած նիստի թիվ 2 արձանագրության 8-րդ կետի համաձայն՝ հանձնաժողովը որոշել է, որ Ընթացակարգի հաղթող /ընտրված/ մասնակից է ճանաչվում «Մինասյաններ Շին» ՍՊԸ-ն:

Այնուհետև «Վայք գրուպ» ՍՊԸ-ի կողմից բողոք է ներկայացվել ՀՀ գնումների հետ կապված բողոքներ քննող անձին, որով վիճարկվել է այն հանգամանքը, որ «Մինասյաններ Շին» ՍՊԸ-ի կողմից ներկայացված ծավալաթերթ-նախահաշվում առկա է թվաբանական սխալ, ինչի պարագայում «Մինասյաններ Շին» ՍՊԸ-ն չէր կարող ճանաչվել հաղթող մասնակից:

Ներկայացված բողոքով «Վայք գրուպ» ՍՊԸ-ն խնդրել է դադարեցնել Ընթացակարգի գնահատող հանձնաժողովի կողմից «Մինասյաններ Շին» ՍՊԸ-ին հաղթող մասնակից ճանաչելու մասին որոումը:

Բողոքներ քննող անձի կողմից 25.08.2021թ. կայացրած թիվ ԳԲՔԱ-ՆԳ-2021/71 որոշմամբ «Վայք գրուպ» ՍՊԸ-ի բողոքը բավարարվել է և դադարեցվել է Ընթացակարգի գնահատող հանձնաժողովի կողմից «Մինասյաններ Շին» ՍՊԸ-ին հաղթող մասնակից ճանաչելու մասին որոումը:

Ի կատարումն վերը նշված իրավապարտադիր որոշման գնահատող հանձնաժողովը որոշել է, որ «Մինասյաններ Շին» ՍՊԸ-ին պետք է տրամադրել շտկման հնարավորություն, որը այդպես էլ չի տրամադրվել, սակայն անհասկանալի պայմաններում www.gnumner.am կայքում 03.09.2021թ. հրապարակվում է արձանագրություն, որտեղ նշվել է, որ «Մինասյաններ Շին» ՍՊԸ-ի կողմից ներկայացված նոր ծավալաթերթ-նախահաշվում նորից

առկա է սխալ և հիմք ընդունելով վերը նշված հանգամանքը որոշում է կայացվել մերժել «Մինասյաններ Շին» ՍՊԸ-ի հայտը:

www.gnumner.am կայքում 06.09.2021թ. հրապարակված հայտարարության համաձայն՝ “ԿՄՄՀ-ԳՀԱՇՁԲ-21/7” ծածկագրով գնանշման հարցման ընթացակարգը հայտարարվել է չկայացած այն հիմքով, որ մասնակիցներից ոչ մեկի հայտը չի համապատասխանում գնման պահանջին:

Իրավական հիմքերը և հիմնավորումները.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 2-րդ կետի համաձայն՝ գնումների գործընթացը հիմնվում է հետևյալ սկզբունքների վրա.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

ՀՀ կառավարության 04.05.2017թ. 526-Ն որոշմամբ հաստատված կարգի (այսուհետ նաև՝ Կարգ) 40-րդ կետի 4-րդ ենթակետի համաձայն՝ հայտերի բացման նիստում հանձնաժողովը մերժում է այն հայտերը, որոնցում բացակայում են գնային առաջարկը կամ եթե գնային առաջարկը ներկայացված է հրավերի պահանջներին անհամապատասխան:

Կարգի 41-րդ կետի համաձայն՝ եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ գնային առաջարկը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, **իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:**

Վերոգրյալ իրավակարգավորումներից ուղղակի հետևում, որ մասնակցի հայտում արձանագրված անհամապատասխանության դեպքում հանձնաժողովի քարտուղարը պարտավոր է նույն օրը դրա մասին էլեկտրոնային եղանակով տեղեկացնել մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Ինչպես արդեն նշել ենք, Մեղրաձորի համայնքապետարանի կարիքների համար՝ հայտարարվել է “ԿՄՄՀ-ԳՀԱՇՁԲ-21/7” ծածկագրով գնանշման հարցման ընթացակարգ:

Ընթացակարգին մասնակցության հայտ է ներկայացրել նաև «Մինասյաններ Շին» ՍՊԸ-ն:

Ընթացակարգի 10.08.2021թ. տեղի ունեցած նիստի թիվ 2 արձանագրության 8-րդ կետի համաձայն՝ հանձնաժողովը որոշել է, որ Ընթացակարգի հաղթող /ընտրված/ մասնակից է ճանաչվում «Մինասյաններ Շին» ՍՊԸ-ն:

Այնուհետև «Վայք գրուպ» ՍՊԸ-ի կողմից բողոք է ներկայացվել ՀՀ գնումների հետ կապված բողոքներ քննող անձին, որով վիճարկվել է այն հանգամանքը, որ «Մինասյաններ Շին» ՍՊԸ-ի կողմից ներկայացված ծավալաթերթ-նախահաշվում առկա է թվաբանական սխալ, ինչի պարագայում «Մինասյաններ Շին» ՍՊԸ-ն չէր կարող ճանաչվել հաղթող մասնակից:

Ներկայացված բողոքով «Վայք գրուպ» ՍՊԸ-ն խնդրել է դադարեցնել Ընթացակարգի գնահատող հանձնաժողովի կողմից «Մինասյաններ Շին» ՍՊԸ-ին հաղթող մասնակից ճանաչելու մասին որոշումը:

Բողոքներ քննող անձի կողմից 25.08.2021թ. կայացրած թիվ ԳԲՔԱ-ՆԳ-2021/71 որոշմամբ «Վայք գրուպ» ՍՊԸ-ի բողոքը բավարարվել է և դադարեցվել է Ընթացակարգի գնահատող հանձնաժողովի կողմից «Մինասյաններ Շին» ՍՊԸ-ին հաղթող մասնակից ճանաչելու մասին որոշումը:

Ի կատարումն վերը նշված իրավապարտադիր որոշման՝ գնահատող հանձնաժողովը 30.08.2021թ. իրավիրված նիստով որոշել է, որ «Մինասյաններ Շին» ՍՊԸ-ին պետք է տրամադրել շտկման հնարավորություն, ընդ որում արձանագրությամբ չեն արձանագրվել, թե որն է առկա անհամապատասխանությունը և մասնակիցը ինչ պետք է շտկի: Վերոհիշյալ արձանագրությունը www.gnumner.am կայքում հրապարակվել է 31.09.2021թ. ժամը 16:09:

Բողոքներ քննող անձին տեղեկացնում ենք, որ Ընթացակարգի գնահատող հանձնաժողովի քարտուղարը Կարգի 41-րդ կետով նախատեսված կարգով այդպես էլ մասնակցին չի ուղարկել որևէ ծանուցում՝ շտկում կատարելու պահանջի վերաբերյալ, իսկ շտկմանը նվիրված արձանագրությունը www.gnumner.am կայքում հրապարակվել է միայն հաջորդ օրվա ավարտին:

Նման անհասկանալի պայմաններում www.gnumner.am կայքում 03.09.2021թ. հրապարակվում է արձանագրություն, որտեղ նշվել է, որ «Մինասյաններ Շին» ՍՊԸ-ի կողմից ներկայացված նոր ծավալաթերթ-նախահաշվում նորից առկա է սխալ և հիմք ընդունելով վերը նշված հանգամանքը՝ որոշում է կայացվել մերժել «Մինասյաններ Շին» ՍՊԸ-ի հայտը:

Այնուհետև, www.gnumner.am կայքում 06.09.2021թ. հրապարակված հայտարարության համաձայն՝ “ԿՄՄՀ-ԳՀԱՇՁԲ-21/7” ծածկագրով գնանշման հարցման ընթացակարգը հայտարարվել է չկայացած այն հիմքով, որ մասնակիցներից ոչ մեկի հայտը չի համապատասխանում գնման պահանջին:

Տվյալ պարագայում “ԿՄՄՀ-ԳՀԱՇՁԲ-21/7” ծածկագրով ընթացակարգի գնահատող հանձնաժողովը «Մինասյաններ Շին» ՍՊԸ-ի հայտը մերժելով գործել է ոչ իրավաչափ, մասնավորապես՝ գնումների հետ կապված բողոքներ քննող անձի կողմից կայացված որոշմամբ արձանագրվել է, որ «Մինասյաններ Շին» ՍՊԸ-ի կողմից ներկայացված ծավալաթերթ-նախահաշվի արժեքների տոկոսային հանրագումարը՝ չի համընկնում ներկայացված հայտի գնային առաջարկով ներկայացված ընդհանուր գումարի հանրագումարին, որի արդյունքում բողոքը բավարարվել է, արդյունքում հանձնաժողովը պարտավոր էր որպես ի կատարումն վերը նշված որոշման՝ մասնակցին տալ շտկման հնարավորություն՝ ինչը արձանագրվել է 03.09.2021թ. արձանագրությամբ և չի իրականացվել, այսինքն՝ արձանագրությամբ արձանագրվել է որ պետք է տրվի շտկման հնարավորություն, սակայն որևէ շտկման պահանջ չի ներկայացվել մասնակցին:

Նման պարագայում գտնում ենք, որ Ընթացակարգի գնահատող հանձնաժողովը խախտել է Կարգի 41-րդ կետով նախատեսված պահանջները, որն իր հերթին հանգեցրել է Օրենքի 3-րդ հոդվածի 2-րդ մասի 2-րդ կետի և 7-րդ հոդվածի 1-ին մասի պահանջների խախտմանը:

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

